

WA MITO LAGO NYWAL

Adwogi kwed I kom yoto kom ma lube ki nyodo ma ki timo I kumalo me Uganda

Lubu kor nywako tam ma ki timo I Dule



Women's Commission for Refugee Women and Children

Dwe me Aryo 2007

Wan Wabedo Anga?

Dul me Women's Commission For Refugee Women And Children tye dul ma pe jenge ikom gamente ma gang kal gi tye America. Wan wa bedo dul ma "loko pi dano". Wan wa tiyo kacel ki gamente, dule pa United Nations (UN) ki dule ma gi miyo kony ki I lobo ma woko. Watute matek me neno ni dule magi gutamo pi twero ki ber bedo pa mon, lutino ki bulu ma guringo ayella teki gukati ki yub gi moo.

Pingo Wa Bino I Kumalo Me Uganda?

Wa bino I Uganda ka rwate ki dano ma guringo ayella, tutwale Mon ki Coo kacel ki joo Matino. Wa rwate ki dule pa UN, gamente, dule ma miyo kony ki woko kacel ki ma ginonge bot wa kany, pi niang ngo matye me tic ikom yoto kom malube ki nyodo pi mon ki bulu ma guringo ayella. Wan bene onongo wamito niang ngo ma omyero ki tim wek kwo gi obed maber.

Ngo Ma Wa Timo Ikare Me Lim Wa?

Lumemba abic pa Women's Commission ki ngat acel me UN Population Fund UNFPA gubino I kumalo me Uganda pi cabit aryo idwe me aryo mwaka 2007. Wa limo kema ki gangi yot kom ma I Kitgum ki Pader kacel ki centre pa bulu ma I Gulu, Gulu Youth Centre. Wa rwate ki coo 80 ki Mon 140 inywako tam kacel ma ki timo. Wa penyo luwang dule ma pe jenge ikom gamente mapat-pat ki dule pa UN wa ki lutic igang kal madit me yot kom ki lutic me yot kom irwom me District. Winyo lok ki bot lwak ma I kumalo me Uganda onongo pire obedo tek tutwal, pien wa niang atir ki bot gi ngo mamite pi yoto kom gi iyoo me nyodo. Wa bitiyo ki ododo gi, lok gi ki tam gi me niango gamente me Uganda ki dule ma woko ikom ngo mamite ma pire tek pi lwak ma I kumalo me Uganda. Cwiny wa yom tutwal pi rwate ked gi ki bene yee it wa nwako ked gi iyoo me niang.

Ngo Ma Wa Nongo Ikare Me Lim Wa?

Wa nongo ni jemi mapol pi yoto kom pa luring ayella iyo me nyodo dong ki bedo iye ki neno matut. Pol jemi ma pir gi tego ma mite pi yoto man pud pet ye maber. Peko matye madit aye peko me ludiro nyo lutic ikom yot kom. Gang kal madit me yot kom tye ka tute me kelo ludiro nyo lutic me yot kom I kumalo me Uganda kun cwalo gi ki itwak Uganda mapat-pat.



"I kare ma dako pa omera oceto ka nywal I ot yat, ki waco ite ni oluny bongo ne ento pien en onongo pe oyube dok pe ongado yer nyime me mon ni, ki waco ite ni en dako ma lacilo ci ki donge pi meno"

Man lok pa Josephine dako acel matye laring ayella.

Gwok pi mon ma ii gi tye olo tye maber-ber tutwale pi kwidi two jonyo. Pol mon nywal ki gang tutwale I Pader. Lucolo

mogo me kin gang onongo pwonye ki bot dule ma pe jenge ikom gamente ento pol gin pud peke ki diro ki jemi ma mite wek lengo obed tye ikare me nywal ki wek nywal obed maber labongo peko moo.

Wanongo ni mon ma gi tye ki peko ma tego calo oo pa remo ki nongo two ikare me yaco ki nywal pol kare pe gi tye ki kero nyo yoo me nongo kony mamite pi yot kom. Peko man tye pien daktari ki yadi petye maromo.

Peko mukene me jemi kubu lok calo cim ki gin wot me ceto I ot yat bene tye. Pol dano matye inwako tam wa ni, gitye ki ngec ikom mon ki lutino ma gutoo ikare me nywal imwaki ma okato angec.



*“Mon mapol too calo adwogi me peko mogo ikare me nywal, Gi too iyoo me ceto ka nongo kony ki I taun”.
Man lok pa ngat acel me dul nywako tam I Mucwini camp.*

*“Gin ma tye ka neko mege wa ni obedo gin matidi, dok juke”. Man lok pa dakta Keith Mugarurua me dul pa”.
Canadian Physicians For Aid And Relief.*

Pol mon gi tye ki miti matek me lago nywal ento pe gitye ki ngec ikom jemi tice ma nonge igangi yot kom nyo Health Centres ma cok ked gi. Coo pol kare pe gi yee ki mon gi me tic ki jemi nyo yat lago nywal. Mon mukene gudonyo ka tic ki yoo nyo yat lago nywal labongo waco ki cogi ma man oweko coo mukene gukeco matek.

Lutic pa dule ma pe jenge ikom gamente gutito ni mon ki anyira ma guyac dok pe gi mito ic meno, pol kare gi neno yoo me rwenyo ic meno kikomgi I yoo ma pe rwate pi yoto kom. Nwako tam atyer labongo mung ilok kom lagon nywal nyo Family Planning bene tye ka balo cwiny mon ikom ceto ka nongo kony man. Mon mapol ma gubedo inwako tam ked wa gi tye ki miti matek me niang matut ikom roc nyo condom pa mon ento pe ginonge I kema. Dule mukene calo “UNFPA”, tye ka tute me ilo malo tic me Family Planning.

“Atye ki lutino Abicel, ci alego ni cwara oniang ni dong adeg nongo mukene, kica omyero omak Lubanga wek anong yat lago nywal”.

Man lok pa dako acel me dul nyawko tam I Mucwini camp.



Joo ma gubedo ka nwako tam ked wa guwaci peko me two ma kobo iyoo me butu ma ikine tye iye kwidi two jonyo, tye matek titwal i kema.

Pol dano ma waloko ked gi onongo gi tye ki ngec ikom kwidi two jonyo ento coo mukene ma gitye I dul me nwako tami, gunongo ni gi tye ki miti me bedo ki ngec matut ikom yoo me tic ki roc bol. Yat lajin kwidi two jonyo pol kare pe nonge tutwale pi joo ma lucan matek. Pol mon guwaci ni gero me gang tye matek tutwal, ki bene ni mato kongo ikin coo ki mon dong weko peko man doko rac loyo. Pol dano pe mito kati kamaleng ka lok ka tim gero otime igang. Coo guwaci aun iyoo me butu obedo gum marac ento pe juke pi peko me can matye matek tutwal I kema.

Butu tek-tek ki dano kacel ki nywaro lutino anyira ma tino bene tye matek tutwal kun pol koko ne tye ikom mony pa gamente me Uganda. Kiti bed kumeno, lok kom butu tek-tek ma ki kati kede kamaleng nyutu ni lukin gang aye pole gi timo bal man. Gamo yen ki pii iteng kema weko kare kere tutwal ki mon ki anyira me rwate ki tim gero kiti bed ni mon ma I Padibe camp guwaci peko man dong odoko piny cake ma ki ket kede cing piny iwinye pi kuc. Mon ki anyira pol kare pe gi maro kati kamaleng me waco nyo gono report ka ki butu ked gi tek-tek tutwale ka latim bal man obedo lamony. Pol joo ma gubedo inwako tam man gu yee ni joo ma guloyo ki butu tek-teki omyero gunong kony me yat ki ot yat bene gucwal ngece I police. Dul me UNICEF tye ka yubu yub nyo programe moo me juku tim gero ikom mon ki me mino kony nyo gwok bot joo ma gu loyo ki itim gero. Gang kal madit me yot kom I Uganda okati ki yoo moo me mino kony me ot yat bot joo ma guloyo ki ibutu tek-tek. I kare me lim wa,wa nongo ni tic/kony malupe ki yoto kom me nyodo tye manok tutwal pi bulu kun pol joo matino tye ki miti matek tutwal me butu ikwo gi tutwale ikare me tino gi. Anyira tye ki kare ma kere tutwal me poto ipeko me butu tek-tek dok bene anyira matino ma ginongo ic ma nongo pe guyube iye pol kare gi tenyo kwan-oo. Lutino anyira kwan matino ma wa rwate ked gi ikema moo acel guwaci mony penyo gi pi butu ci ka

gikwero gi doko ger ikom gi. Pol kare lunyodo pa joo ma ki butu ked gi tek-teki ki lugang pa latim bal man gi winye awinya ikin gi. Pol dano pe gitye ki yoo me nongo kony wang ma dong odoko rac nyo late. Kabedo acel keken aye wa nongo ma paro nyo tiyo maber pi bulu ma en aye Gulu Youth Centre ma pwonyo peer Educators, miyo kony me nono pi yot kom malube ki nyodo dok bene gi yubu tuku ki jemi ma yomo cwiny bulu.



Ngo Ma Dong Wa Tye Ki Yub Me Timo Ne?

- Wa binyutu adwogi lim wa nyo ngo ma wa nongo ki ilim wa ni bot dule ma pejenge ikom gamente, UN, lumikony ki luwang gamente me Uganda pi neno ni jemi ki kony mamite pi yoto kom malupe ki nyodo tye kakare pi luring ayella ma I kumalo me Uganda. Pole wamito neno ni;
 - ❖ Lutic yopto kom tye ma romo I kumalo me Uganda.
 - ❖ Ludiro tic me yot kom omyero gubed ki wang ma kwiny kun gi woro lutwo, ka pe giworo lutwo ci omyero gunong pwod ma rwate.
 - ❖ Mon ki anyira gi romo gamo pii, yen ki cam labongo ayella moo.
 - ❖ Mon onongo diro me timo tic ma kelo lim icing gi.
 - ❖ Lutic yoto kom onen ni kony me yot kom tye pi mon ki anyira ma ki butu ked gi tek-tek.
 - ❖ Co, Mon ki bulu gunongo pwonye ikom Family Planning wek gu nong yoo me lago nwal wek gujuk yaco.
 - ❖ Kabedo mukene maparo pi bulu calo Gulu Youth Centre ki kati kede.
 - ❖ Ki yee ki lutino anyira ma guyac bedo igang kwan.
- Wabilubu kacel ki joo me UN, dule ma pe jenge ikom Gamente, Lumii Kony ki gamente me Uganda inge dwe abicel ducu ki inge mwaka ducu me roto kit ma tic man tye ka wot kwede I kumalo me Uganda.

Pi ngec ma tut ilok kom yoto kom ma lube ki nyodo, ma ki timo I kumalo me Uganda, nong ki bot Rachel Goldstein Ladit me UNFPA Gulu Office, number cim 256392736015 onyo email Goldstein@unfpa.org onyo Agnes Barongo UNFPA National Program Officer for Advocacy I number cim 25641434560 onyo email barongo@unfpa.org.

Pi ngec matut me Wamito Lagu Nywal ki adugi me yoto kom ma lube ki nyodo I kumalo me Uganda, lim wa http://www.womencommission.org/pdf/ug_rha.pdf



Women's Commission for Refugee Women and Children

122 East 42nd Street

New York, NY 10168-1289

Tel: +1 212.551.3115 or 3000

info@womenscommission.org